

上海图书馆藏

古文苑卷第七

箴

百官箴

初揚雄依虞箴作十二州二十五官箴其九箴  
亡闕後崔駰及子瑗又臨邑侯劉駟駮增補十  
六篇胡廣復繼作四篇文甚典美乃悉撰次自  
為之解釋名曰百官箴凡四十八篇

冀州牧箴

洋洋冀州鴻原大陸岳陽是都島夷皮服潺湲  
河流夾以碣石三后攸降列為侯伯降周之末



趙魏是宅冀土糜沸炫云如湯更盛更衰載從  
載橫陪臣擅命天王是替趙魏相反秦拾其弊  
北築長城恢夏之場漢興定制改封藩王仰覽  
前世厥力孔多初安如山後崩如崖故治不忘  
亂安不遺危周宗自怙云焉有子隳六國奮矯  
果絕其維牧臣司冀敢告在階

兗州牧箴

悠悠濟河兗州之寓九河既導雷夏攸處草繇  
木條漆絲締紵濟漯既通降丘宅土成湯五徙  
卒都于亳盤庚北渡牧野是宅丁感雝雉祖已

伊忠爰正厥事遂緒高宗厥後陵遲顛覆湯緒  
西伯戡黎祖伊奔走致天威命不恐不震始言  
是用牝雞是晨三仁既知武果戎殷牧野之禽  
豈復能耽甲子之朝豈能復笑有國雖久必畏  
天咎有民雖長必懼人殃箕子戲歎厥居為墟  
牧臣司兗敢告執書

青州牧箴

茫茫青州海岱是極鹽鐵之地鉉松怪石群水  
攸歸萊夷作牧貢匪以時莫怠莫違音在文武  
封呂於齊厥土塗泥在丘之營五侯九伯是討

是征馬殆其銜御失其度周室荒亂小白以霸  
諸侯僉服復尊京師小白既沒周卒凌遲嗟茲  
天王附命下土失其法度喪其文武牧臣司青  
敢告執鉅

徐州牧箴

海岱伊淮東海是渚徐州之土邑于蕃宇大野  
既渚有羽有蒙孤桐蠙珠泗沂攸同實列蕃蔽  
侯衛東方民好農蠶大野以康帝癸及辛不祗  
不恪沈湎于酒而忘其東作天命湯武勦絕其  
緒祚降周任姜鎮于瑯琊姜姓絕苗田氏攸都  
事由細微不慮不圖禍如丘山本在萌芽牧臣  
司徐敢告僕夫

揚州牧箴

矯矯揚州江漢之辭彭蠡既渚陽鳥攸處橘柚  
羽貝瑤琨篠簜閩越北垠沅湘攸往獷

一作獷獷矣

夷蠢蠢荆蠻翩彼昭王南征不旋人咸躓於

埕莫躓於山咸跌於汚莫跌於川明哲不云我  
昭童蒙不云我昏湯武聖而師伊呂桀紂悖而  
誅逢干蓋邇不可不察遠不可不親靡有孝面  
逆父罔有義而忘君太伯遜位基吳紹類夫羞

一誤太伯無祚周室不匡勾踐入霸當周之隆  
越裳重譯春秋之末侯甸叛逆元首不可不思  
股肱不可不慈一作堯崇勤一作屢省舜盛欽謀  
牧臣司楊敢告執籌莫超然川阻昔不云非

夷荊州牧箴

杳杳一作幽巫山在荆之陽江漢朝宗其流湯湯

夏君一作后遭鴻荆衡是調雲夢塗泥包甌菁茅

金玉砥礪象齒元龜貢篚百物世世以饒戰戰

慄慄至桀荒溢曰我在帝位若天有日不順一作

慎庶國孰敢余奪亦有成湯果秉其鉞放之南

巢號之以桀南巢茫茫包一作多楚與荆風慄以

悍氣銳以剛有道後服無道先強世雖安平無

敢逸豫牧臣司荆敢告執御

豫州牧箴

郁郁荆河伊雒是經榮播一作臬漆惟用一作周

攸成田田相挈廬廬相距夏殷不都成周攸處

豫野所居爰在鶉墟四隩咸宅寓內莫如陪臣

執命不慮不圖王室陵遲喪其爪牙靡哲靡聖

捐一作失其正方伯不維韓卒擅命文武孔純

至厲作昏成康孔寧至幽作傾故有天下者毋

曰我大莫或余敗母曰我強靡克余亡夏宅九  
州至于季世放于南巢成康太平降及周微帶  
蔽屏營屏營不起施于孫子王赧為極實絕周  
祀牧臣司豫敢告柱史

益州牧箴

一作梁州

巖巖崑山古曰梁州華陽西極黑水南流茫茫  
洪波鮪堙降陸于時八都厥民不隩禹導江沱  
岷嶓啓乾遠近底貢磬錯罍丹絲麻條暢有梗  
有稻自京徂畛民攸溫飽帝有桀紂涵沉頗僻  
遏絕苗民滅夏殷績爰周受命復古之常幽厲

夷業破絕為荒秦作無道三方潰叛義兵征暴  
遂國于漢拓開疆宇恢梁之野列為十二光羨  
虞夏牧臣司梁是職是圖經營盛衰敢告士夫

雍州牧箴

黑水西河橫截

一作馬

崑崙邪指閭闔畫為雍垠

上侵積石下礙龍門自彼互羗莫敢不來庭莫  
敢不來臣每在季主常失厥緒侯紀不貢荒侵  
其寓陵遲衰微秦據以戾興兵山東六國顛沛  
上帝不寧命漢作京隴山以徂列為西荒南排  
勁越北啓彊胡并連屬國一護攸都盖安不忘

危盛不諱衰牧臣司雍敢告贅衣

幽州牧箴

蕩蕩平川惟冀之別北阨幽都戎夏交偏伊昔

唐虞實為平陸周末荐臻一作至秦迫于獯鬻晉溺

其陪周使不阻六國擅權燕趙本都東限穢貊

羨及東胡彊秦北排蒙公城墻大漢初分介狄

之荒元戎屢征如風之騰義兵涉漠偃我邊萌

既定且康復古虞唐盛不可不圖衰不可不忘

隄潰蟻沱器漏箴芒牧臣司幽敢告侍傍

并州牧箴

雍別朔方河水悠悠北辟獯鬻南界涇流畫茲

朔土正直幽方自昔何為莫敢不來貢莫敢不

來王周穆遐征犬戎不享爰一作藐一作伊德侵玩

上國宣王命將攘之涇北宗周周職日用爽蹉

既不俎豆又不干戈犬戎作亂斃于驪阿太上

曜德其次曜兵德兵俱顛靡不悴荒牧臣司并

敢告執綱不棄其羣益不臣不憂望不臣不默

交州牧箴

交州荒裔水與天際越裳是南荒國之外爰自

開闢不羈一作不絆周公攝祚自雉是獻昭王

陵遲周室是亂越裳絕貢荆楚逆叛四國內侵  
蠶食周宗臻于季報遂以滅亡大漢受命中國  
兼該南海之宇聖武是恢稍稍受羈遂臻黃支  
杭海三萬來牽其犀盛不可不憂隆不可不懼  
顧瞻陵遲而忘其規摹亡國多逸一作多易豫而存  
國多難泉竭中虛池竭瀕乾牧臣司交敢告執  
憲

光祿勳箴 楊雄

經兆官室畫為中外廊殿門闔限以禁界國有  
周衛民有藩籬各有攸保守以不岐昔在憂殷

桀紂淫涵特牛之飲閭君荒亂郎雖執戟謁者  
參差殿中成市或鼓或鞞恣其廊廟而聚夫逋  
逃四方多罪載號載載肉不可不省外不可不  
清德人立朝議士充庭祿臣司光敢告執經

上帝衛尉尉箴在周三 荒荒上天崇高其居設置山險畫為防禦重垠

一作累垠以難不律闕為城衛以待暴卒國以  
有固民一作以有內各保其守永修不敗維昔

庶僚官得其人荷戈而歌中外以堅齊相怵惕  
宿衛不飭一作門非其人尸廢其職曹于標劍



標一作操遂成其詐軻挾亡首而衛人不寤二世妄

宿敗於望夷閭樂矯搜戟者不誰尉臣司衛敢

告執維一太僕箴一不韜關為然當必於暴卒因以

肅肅太僕車馬是供鏘鏘和鸞駕彼時龍昔在

上帝巡狩四宅王用三驅前禽是射紂作不令

武王征殷檀車孔夏四駮孔昕僕夫執儻載駢

載駟我輿云安我馬惟閑雖馳驅匪逸匪悠

昔有一作在一作淫羿馳騁忘歸景公千駟而淫於齊

詩好牡馬牧於駟野輦車就牧而詩人興魯廐

焚問人仲尼厚醜孟子蓋惡夫廐多肥馬而野

有餓殍僕臣司駕敢告執皂禮策吉亦謂少康

是當廷尉箴一圖文不厚在左不厚文

天降五刑惟夏之績亂茲于民不回不辟昔在

蚩尤爰作淫刑延于苗民夏氏一作天下不寧穆王

耄荒甫侯伊謀五刑訓天周以阜基厥後凌遲

上帝不觝周輕其制秦繁其辜五刑紛紛靡過

靡止寇賊滿山刑者半道昔唐虞象刑天民是

全紂作炮烙墜民于淵故有國者無云何謂是

剛是劓無云何害是剝是劓一作惟虐惟殺人

莫予柰殷以刑顛秦以酷敗獄臣司理敢告執  
謁

大鴻臚箴

蕩蕩唐虞經通垓極陶陶百王天工人力畫為

上下羅一作該羅條百職人有材能察有級差遷能

授官各有攸宜主以不廢官以不墮昔在三代

二季不蠲穢德慢道署非其人失其材職反

其官窳寮荒耄國政如漫文不可武武不可文

大小上下不可奪倫鴻臚司爵敢告在隣

宗正箴

巍巍帝堯欽親九族經哲宗伯禮有攸訓屬有

攸籍各有育裔又子世又以不錯昔在夏時少康

不恭有仍二女五子家降晉獻悖統宋宣亂序

齊桓不胤而忘其宗緒周譏戎女魯喜子同高

作秦崇而扶蘇被凶宗廟荒墟蒐靈靡附伯臣

司宗敢告執主

大司農箴

時惟大農爰司金穀自京徂荒粒民是斛肇自

厥初實施惟食厥僚后稷有無遷易實均實贏

惟都作程旁求衣食厥民攸生上稽二帝下閱

三王什一而征為民作常遠近貢篚百姓

一作日則

不忘帝王之盛咸在農殖季周爛漫而東作不

勅膏腴不穫庶物並荒府藏

一作庫

單虛靡積靡

倉

一作靡積倉糧

陵遲衰微姬卒以瘁秦收太半二世

不瘳泣血之末海內無聊農臣司均敢告執繇

於秦少府箴

漢如古宗廟蓋其靈靈

實實少府奉養是供紀經九品臣子攸同海內

弊帑祁祁如雲家有孝子官有忠臣共僚率舊

聖則越遵民以不擾國以不煩昔在帝季癸辛

之世酒池糟隄而象箸以噬至於耽樂流涵而

妲未作崇共寮不御不恢夏殷喪其國康而卒

以陵遲嗜不可不察欲不可不圖未嘗失之於

約常失於奢府臣司共敢告執觚

執金吾箴

會以不神炮執其

溫溫唐虞重襲純孰經表九德張設武官以御

竊賊如虎有牙如鷹有不國以自固默以自保

牙爪蕙蕙動作宜時用之不理實反生災秦政

暴戾播其威虐云其仁義而思其殘酷猛不可

重任威不可獨行堯咨虞舜惟思是尚吾臣司

金敢告執璜

通鑑告執璜

將作大匠箴

侃侃將作經精宮室墻以禦風宇以蔽日寒暑  
攸除鳥鼠攸去王有宮殿民有宅居昔在帝世  
茅茨土階夏旱宮觀在彼溝洫桀作瑤臺紂爲  
璇一作璇室人力不堪而帝業不卒詩詠宣王由  
儉改奢觀豐上六太屋小家春秋譏刺書彼泉  
臺兩觀雉門而魯以不恆或作長府而閔子不  
仁秦築驪阿嬴姓以顛故人君無云我貴棖題  
是遂母云我富淫作極遊在彼墻屋而忘其國  
戮作臣司匠敢告執猷

太常箴

翼翼太常寔爲宗伯

穆穆靈祇寢廟

奕奕稱秩

元祀班于群神

我祀既祗我粢孔蠲匪愆一作德

匪忒公尸又君

攸宜弗祈弗求惟德之報不矯

不誣庶無罪悔昔在成湯葛爲不吊棄禮慢祖

夔子不祀楚師是虜魯人躋僖臧文不悟文墮

太室栢納却賂灾降三宮用誥不桃故聖人在

位無曰我貴慢行繁祭無曰我材輕身恃巫東

鄰之犧牛不如西鄰之麥魚秦頌望夷隱斃鍾

巫覡常臣同宗敢告執書

平天太尉箴

崔駰

天官冢宰庶僚之師師錫有帝命虞作尉爰叶  
台極爰平國域制軍誥禁王旅惟式九州用綏  
群公咸治干戈載戢宿纏其紀上之云據下之  
云戴尚非其人戮我帝戴昔周人思文公而召  
南詠甘棠昆吾隆夏伊摯盛商季世頗僻禮用  
不匡無曰我強莫余敢喪無曰我大輕戰好殺  
紂師百萬卒以不艾宰臣司馬敢告在際

翼置河南尹箴

茫茫天區畫冀為京商邑翼翼四方是營唐虞

商周河洛是居成王郊廓以處鶉墟諸夏勁強  
是從是橫徹我墻屋而師尹不匡霸奪其權宗  
器以分圖籍遷齊九鼎入秦後

入典尚書箴

崔瑗

一作  
楊雄

皇皇聖哲允勅百工命作齋慄龍為納言是機  
是密出入朕命王之喉舌獻善宣美而讒說是析  
我視云明我聽云聰載風載夜惟允惟恭故君  
子在室出言如風動於民人渙其大號而萬國  
平信春秋譏漏言易稱不密則失臣允告其和  
巽咨其頻書稱其明申申厥鄰昔秦尚權詐官

非其人符爾墨竊發而扶蘇隕身一女奴愆命七廟  
為墟威福同門牀上維辜書臣司命敢告侍隅

博士箴

洋洋三代典禮是脩畫為辟雍國有學校侯有  
泮官各有攸教德用不陵昔在文王經啓其軌  
勗于德音而思皇多士多士作楨惟周以寧國  
人興讓虞芮質成公劉挹行潦洒濁亂斯清宮  
操其業士執其經昔聖人之綏俗莫美於施化  
故孔子觀夫太學而知為王之易易大舜南  
面無為而衽席平還師階級之一本無級間三

苗以懷秦作無道斬決天紀漫彼王迹而坑夫

術士詩書是泯家言是守俎豆不陳而顛其社

稷故仲尼不對問陳而瑚一作益一作是遵一作原伯

非學而閔子知周之不振儒臣司典敢告在賓

東觀箴

洋洋東觀古之史官三墳五典靡義不貫左書

君行右記其言辛尹顧訪文武明宣倚相見寶

荆國以安何以季世咆哮不虔在強奮矯而戮彼

逢手衛巫監謗國莫敢言狐突見斥淖齒見殘

焚文坑儒羸羸反為漢巫蠱之毒殘者數萬嗟嗟

後王曷不斯鑒是以明哲先識擇木而處夏終  
殷摯周聃晉忝或笑或泣抱籍遁走三葉靖公  
果喪厥緒宗廟隨夷遠之荆楚麥秀之歌億載  
不腐史臣司藝敢告侍後

關都尉箴

茫茫九州規爲關津唐堯積德三代脩仁越季  
不軌爰失厥人聖賢不用頑嚚是親漢潰武關  
項破函谷秦王子嬰縊爲禽僕尉臣司關敢告  
並穀

河隄謁者箴

伊昔鴻泉浩浩滔天有夏作空爰奠山川導河  
積石鑿于龍門䟽爲砥柱率彼河澗大陸旣礙  
播于北野濟漯咸順沂泗從流江淮湯湯而冀  
宅乃州澹菑濺濺東歸於海九野孔安四隩不  
殆爰及周衰夏績陵遲導非其導埋非其埋八  
野填淤水高民居溢溢滂汨屢決金隄瓠子潺  
湲宣房作歌使臣司水敢告執河

郡太守箴

有羸驅除焚典紀舊蕩滅蕃畿罷侯置守秦發  
閭左陳涉奮威楚築乾谿靈王不歸征遐由近

可不肅祗守臣司境敢告執機

北軍中候箴

赫赫將帥典揔虎臣鷹揚旅武闐然奮震贅衣  
近侍常伯之人怒如熊力角馬任操兵左右  
百夫衛賓昔在高祖草創伊神鴻門之會職多  
未陳或有劔舞賴有傾身孔丘歷堦文武定申  
以人士拜齊無其臣秦政東遊大盜輩群期門  
不設施巧銳騎在不脩負故圖遠秉機事有殷  
勤殷勤在親親無常人忽情懈怠禍慢及君憲  
臣司武敢告執軍

侍中箴

皇矣聖上神居天

一作其

處勤求俊良是弼是輔

匪懈于位庶工以序昔在周文創德西隣勗聞  
上帝賴茲四臣辛尹是訪入虞是詢濟濟多士  
又用有勲文公欽若越興周道亦惟先正克慎  
左右常伯常任寔為政首降及厲王不祗不恪  
暱彼宗夷用肆其虐惟敗天命寇賊一作戎並作  
圯墜宗緒寢廟靡託無曰我賢不選至親無曰  
我任妾用嬖人籍閱飾顏穢我神武鄧通擅鑄  
不終厥後中書竊命石弘作禍高安斷袂哀用



無主侍臣司中敢告執矩

司隸校尉箴

煌煌古制分劃五服翼翼封畿四方之極牧監臣設是謂王國大漢通變崇弘簡易吞舟之網以濟難阨自時厥後或慢或遲綉衣四出禍起宮闈江充作亂辱于戾園率隸掘壘以詰其姦既定既寧爰遂其官俾督京甸時惟鷹鷂必正必式國之司直乃回乃邪寔爲讒慝毀於貞賢悔其何及昔唐虞晏晏庶績以熙嬴氏慘慘怨毒用滋是故履上位者無云我貴苟任激訐平

陽玄默以式百辟畫一之歌豈猶遐逖使臣司

隸敢告執役

城門校尉箴

揚雄

幽幽山川徑塞九路盤石唐芒襲險重固國有城溝家有柝柝各有攸堅民以不虞德懷其內險難其外王公設險而承以盤蓋昔在上世有殷有夏癸辛不德而設夫險阻湯武爰征而莫遏莫禦作君之危不可德少而城溝伊保不可德希而城溝是依唐虞長德而四海永懷秦恢長城而天下畔乖尉臣司城敢告侍階

上林苑令箴

茫茫大田芄芄作穀山有徑陸野有林麓夷原  
汚藪禽獸攸伏魚鱉以時芻蕘咸殖國以殷富  
民以家給昔在帝舜共田徑游弧矢是尚而射  
夫封豬不顧於愆卒遇後憂是以田獲三驅不  
可過差麀鹿攸伏不如德至衡臣司虞敢告執  
指

司空箴

一作崔駰作

善彼坤靈侔天作則分制五服劃爲萬國乃立  
地官空惟是職茫茫九州都鄙盈區綱以群牧

綴以方侯烈烈雋又翼翼王臣臣當其官官宜  
其人九一之政七賦以均昔在季葉班祿遺賢  
培克充朝而象恭滔天匪人斯力匪政斯勅流  
貨而寵而苞苴是鬻王路斯浮孰不傾覆官臣  
司土敢告在側

司徒箴

崔駰

天鑒在下仁德是興乃立司徒亂茲黎烝茫茫  
庶域率土祁祁人具爾瞻四方是維乾乾夕惕  
靡怠靡違敬敷五教九德咸事畜人用章黔昨  
是富無曰余恃忘子爾輔無曰余聖以忽執政

匪用其良乃荒厥命庶績不怡疚于爾祿豐其折股而鼎覆其鍊書歌股肱詩刺南山尹氏不堪國度斯憊徒臣司衆敢告執藩

大理箴

邈矣臯陶翊唐作士設爲犴狴九州允理如石之平如淵之清三槐九棘以賢以聽罪人斯殛凶旅斯并熙又帝載旁施作明昔在仲尼哀矜聖人子罕禮刑衛人釋艱釋之其忠勲亮孝文于公哀寡定國廣門復矣邈矣舊訓不遵主慢臣驕虎用其民賞以崇欲刑以肆忿紂作炮烙

周人滅殷夏用淫刑湯誓其軍衛鞅酷烈卒殞于秦不疑加害禍不反身嗟茲大理慎于爾官賞不可不思斷不可不虔或有忠能被害或有孝而見殘吳沈伍胥躬剖比于莫遂爾情是截是刑無遂爾志以速以殛天鑒在顏無細不錄福善災惡其飭甚速理臣司律敢告執獄

大理尚書箴

龍作納言帝命惟允山甫翼周實司喉吻赫赫禁臺萬邦所庭無曰我平而慢爾衡無曰我審而怠爾明四岳阿鯀績用不成虞登八凱五教

聿清舉以無私乃忝服榮正直是與伊道之經  
先人匪懈永世流聲君子下問敢告侍庭

諫大夫箴崔寔附

於昭上帝迪竝既哲匪于水鑒惟人是察處有  
誦訓出有旅賁木鐸之求爰納道入各有攸訊  
政以不紛昔在大禹拜承昌言癸辛暴戾虐及  
于天逢于周厲慢德不蠲煦煦胥讒人謗乃作  
不顧厥愆是討是格庶類不堪流之晁宅防人  
之口譬諸防川豈不速止潰乃潺湲潺湲尚塞  
信擁為賊默默之患用顛厥國諫臣司議敢告

有翼

古文苑卷第七



楊惠買夫時戶下髯奴便了決賣萬五千奴從  
百役使不得有二言晨起早一作掃食了洗滌

居當穿白縛簾裁孟鑿井浚渠縛落鉏園研陌

杜埤音明地刻大枷屈竹作把削治鹿盧出入不

得騎馬載一作車蹠坐大叟下牀振頭垂釣刈

芻結葦獵纜沃不酪住醜音祖醜音摸織履作麤黏

雀張鳥一作結網捕魚繳鴈彈鳧登山射鹿入

水捕龜浚園縱魚鴈鶩百餘驅逐鴟鳥持捎牧

猪種薑養羊長育豚駒糞除常潔餒食音自馬牛

鼓四起坐夜半益芻二月春分被隄杜疆落桑

皮梭種瓜作音昨瓠別茄披葱焚槎發等壟集破

封曰中早糞音復鷄鳴起春調治馬馭兼落三重

舍中有客提壺行酤汲水作舖音哺滌杯整按園

中援蒜斲蘇切脯築肉臠芋膾魚包鱉烹茶盡

具舖已蓋藏關門塞竇餒猪縱犬勿與隣里爭

鬪奴但當飲豆水不得嗜酒欲飲美酒唯得染

脣漬口不得傾盃覆斗不得展出夜入交關伴

偶舍後有樹當栽作舡上至江州下到煎主為

府掾求用錢推紡惡敗搜索綿亭買席往來都

洛當為婦女求脂澤販於小市歸都擔棗轉出

旁蹉牽犬敗

一作放

鵝武陽買茶楊氏池守擔荷

往來市聚慎護姦偷入市不得夷蹲旁卧惡言

醜罵多作刀弓持入益州貨易牛羊奴自交精

惠不得癡愚持斧入山斷斲栽棘若殘當作俎

机木屐及羸

一作雉

盤焚薪作炭石礪

力罪切

薄岸

治舍蓋屋書削代牘日暮以歸當送乾薪兩三

束四月當披五月當穫十月收豆多取蒲苧

紉音

益作繩索雨墮無所爲當編蔣

一作漿

織箔植種

桃李梨柿柘桑三丈一樹八赤爲行果類相從

縱橫相當果熟收斂不得吮嘗犬吠當起驚告

隣里棖門柱戶上樓擊鼓倚盾曳筴還落三周

勤心疾作不得遨遊奴老力索種莞織蓆事訖

欲休當春一石夜半無事浣衣當白若有私斂

主給賓客奴不得有新私事事當聞白奴不聽

教當答一百讀券文徧訖詞窮咋索乞乞扣頭

兩手自搏目淚下落鼻涕長一尺當如王大夫

言不如早歸黃土陌蚯蚓鑽額早知當尔王大

夫酤酒真不敢作惡

張說云此文相傳多誤

而篇之舉其大

之論奕首

不論其登其固

不貴對無

大冠言博既終或進而問之曰孔子稱有博奕

今博行於世而奕獨絕博義既弘奕義不述問  
之論家師不能說其聲可聞乎曰學不廣博無  
以應客北方之人謂碁爲奕弘而說之舉其大  
略決義深矣局必方正象地則也道必正直神  
明德也碁有白黑陰陽分也駢羅布列效天文  
也四象既陳行之在人蓋王政也成敗臧否爲  
仁由已危之正也夫博懸於投不專在行優者  
有不遇劣者有僥倖躋挈相凌氣勢力爭雖有  
雄雌未足以爲平也至於奕則不然高下相推  
人有等級若孔氏之門田賜相服循名責實謀

以計策若唐虞之朝考功黜陟器用有常施設

無析

一作所

因敵爲資應時屈伸續之不復變化

日新或虛設豫置以自護衛蓋象庖羲罔罟之  
制隄防周起障塞漏決有似夏后治水之勢一  
孔有闕壞頽不振有似軻子汎濫之敗一碁破  
窰云地復還曹子之威作伏設詐突圍橫行田  
單之竒要厄相劫割地取賞蘇張之姿固本自  
廣敵人恐懼三分有二釋而不誅周文之德知  
者之慮也既有過失能量弱強逡巡需行保角  
休旁却自補續雖敗不亡繆公之智中庸之方



上有天地之象次有帝王之治中有五霸之權  
下有戰國之事覽其得失古今略備及其晏也  
至於發憤忘食樂以忘憂推而高之仲尼概也  
樂而不淫哀而不傷質之詩書關雎類也純專  
知柔陰陽代至施之養性彭祖氣也外若無爲  
默而識淨泊自守以道意隱居放言遠咎悔行  
象虞仲信可喜感乎大冠論未備故因問者喻  
其事

無林篆勢

蔡邕

體有六篆巧妙入神或龜蛇文或此龍鱗紆體

放尾長翅短身揚波震激鷹跂鳥震延頸脅翼  
勢似凌雲

青髯奴辭

黃香

我觀人鬚長而復黑冉弱而調離離若綠坡之  
竹鬱鬱若春田之苗因風披靡隨風飄飄爾乃  
附以豐頤表以蛾眉發以素顏呈以妍姿約之  
以紺綫潤之以芳脂莘莘翼翼靡靡綉綉振之  
發曜黝若玄珪之垂於是搖鬚一作鬚奮髭則論  
說唐虞鼓髻動鬢則研覈否臧內育環形外闡  
宮商相如以之閑都顛孫以之堂堂豈若子髯

既亂且楮枯槁禿瘁劬勞辛苦汗垢流離污穢  
泥土倉囁穰穰音而與塵爲侶無素顏可依無豐  
頤可怙勤則困於惚滅靜則窘於囚虜薄命爲  
髡正著子頤爲身不能庇其四體爲智不能飾  
其形骸癩鬚瘦面常如死灰曾不如犬羊之毛  
尾狐狸之毫鬣爲子鬚不亦難乎

九惟文

蔡邕

八惟困乏憂心殷殷天之生我星宿值貧六極  
之厄獨我斯勤居處浮漚無以自冬日栗栗  
上下同雲無衣無褐何以自温六月徂暑炎赫  
來臻無絺無綌何以蔽身無餉不飽永離懽欣

叙

董仲舒集叙

董仲舒清河廣川人也以治春秋爲博士下帷  
講誦弟子傳以久次相授業或莫能見其面蓋  
三年不窺園圃進退容止非禮不行學士皆師  
尊之漢孝武皇帝即位以賢良對策爲江都相  
事易王王素驕好勇仲舒以禮義匡正王敬重  
焉公孫弘希世用事深疾仲舒是時膠西王尤  
縱恣數害吏二千石弘欲中之乃言於上曰獨

仲舒可使相膠西王膠西王素服其德善待之  
仲舒恐父獲罪以病免九相兩國輒事驕王正  
身率下所居而治及去位歸居終不問產業以  
脩學著書為事年老以壽終於家

三記

韓論漢樊毅修西嶽廟記

一作碑

論其其

山經曰泰華之山削成四方其高五千仞廣十  
里周禮職方氏華謂之西嶽祭視三公者以其  
能興雲雨產萬物通精氣有益於人則祀之故  
帝舜受堯歷數親巡省設五鼎之奠柴燎煙致

敬神祇又用昭明百穀繁殖黎民時雍鳥獸率  
舞鳳凰來儀暨夏殷周末之有改也其德休明  
則有禎祥荒淫臊穢篤災必降秦違其典壁遺  
鄣池二世以亡高祖應運禮遵陶唐祭則獲福  
奕世克昌亡新滔逆鬼神不享建武之初彗掃  
頑凶更率舊章敢用玄牲牲牲必充天惟醇祐萬  
國以康光和二年有漢元舅五侯之胃謝陽之  
孫曰樊府君諱毅字仲德承考讓國家于河南  
究職州郡辟公府除防東長中都令誅強虓撫  
瘠民二鄙以清命守斯邦威隆秋霜恩踰冬日

景化既宣由復夕惕惟窺祿之報順民之則孟  
冬十月齊祀西嶽以傳窄狹不足處尊卑廟舍  
舊久墻屋傾亞世室不脩春秋作譏特部行事  
荀班與縣令先薰以漸補治設中外館圖珍竒  
盡恠獸嶽瀆之精所出禎秀役不干時而功已  
著暫勞夕逸神永有憑自古太山邱邑猶存五  
嶽尊同哀此勤民獨不賴福乃上復十里內工  
商農賦克厭帝心嘉瑞仍翕風雨應起一作灑  
潤品物君舉必書况乃盛德惠及神人可無述  
焉於是功曹郭敏主簿魏襲戶曹史許禮等遂

刊立石銘勒鴻勳垂曜靈軫存有昭識其辭曰  
二儀剖判清濁始分陽凝成山陰積為川泰氣  
推否洪波汎臻堯命伯禹決江開汶川靈既定  
恩覆兆民乃刊祀典辨于羣神因瀆祭地嶽以  
配天世主遵循永享歷年赤銳煌煌受茲介福  
京夏密清殊俗賓服令問不違可謂至德德音  
孔昭實惟我后出自中興大漢之舅本枝惟百  
延慶長久俾守西嶽達奉神祀改傳飾廟靈則  
有攸一無攸字齊降瑞畲祚景風凱悌惟風及雨成  
我稷黍穡民用章建乂室宇刊銘記誦克配梁

甫懸黍蘇丹用章其入空宇

碑刻字齊聖會稽景風

河間相張平子碑

河間相張君南陽西鄂人諱衡字平子其先出自張老為晉大夫納規趙武而反其侈書傳美之君天安敏愍敏而好學如川之逝不舍晝夜是以道德漫流文章雲浮數術窮天地制作侔造化瓌辭麗說奇技偉藝磊落渙炳與神合契然而體性溫良聲氣芬芳仁愛篤密與世無傷可謂淑人君子者矣初舉孝廉為尚書侍郎遷

太史令實掌重黎歷紀之度亦能燁耀敷大天明地德光照有漢遷公車司馬令侍中遂相河間政以禮成民是用息遭命不永闇忽喪徂朝失良臣民隕令君天泯斯道世喪斯文凡百君子靡不傷焉乃銘斯表以旌厥問其辭曰

於維張君資質懿豐德茂材美一作美高朗顯融焉

所不學亦何不師盈科而逝成章乃達一物不知

實以為恥聞一善言不勝其喜包羅品類稟授

無形酌焉不竭沖而復盈廩廩其庶豐豐其幾

膺數命世紹聖作師苟華必實令德惟恭柔嘉

伊則孝友祗容允出在茲維帝念功徃才女諧  
化治民雖愍而不弔降此咎兇哲人其畏罔不  
時恫紀于銘勒永終譽考死而不朽芳烈著考

曹娥碑

度尚

弟子耶  
鄭淳撰

孝女曹娥者上虞曹盱之女也其先與周同祖  
末冒荒流一作爰適居盱能撫節按歌婆  
娑樂神以漢安二年五月時迎伍君逆濤而上  
為水所淹不得其尸時娥年十四號慕思盱哀  
吟澤畔旬有七日遂自投江死經五日抱父屍  
出以漢安迄于元嘉元年青龍在辛卯莫之有

表度尚設祭誅之辭曰鬱伊孝女擘擘之姿偏  
其反而令色孔儀窈窕淑女巧笑倩兮宜其家  
室在洽之陽犬禮未施嗟喪慈父彼蒼伊何無  
父孰怙訴神告哀赴江永號視死如歸是以眇  
然輕絕投入沙泥翩翩孝女載沉載浮或泊洲  
渚一作嶼或在中流或趨湍瀨或逐波濤千夫失  
聲悼痛萬餘觀者填道雲集路衢泣淚掩涕驚  
動國都是以哀姜哭市杞崩城隅或有尅面引  
鏡房耳用刀坐臺待水抱樹而燒於戲孝女德  
茂此儔何者大國防禮自脩豈况庶賤露屋草

茅不扶自直不鏤

一作斲

自彫越梁過宋比之有

殊哀此貞厲

獨一作

千載不渝嗚呼哀哉辭曰名

勒金石質之軋坤歲數歷祀立廟起墳光于后

土顯昭天人生賤死責利之義門何悵華落飄

零早分葩艷窈窕永世配神若堯二女為湘夫

人時効髣髴以昭後昆漢議郎蔡邕聞之來

觀夜聞以手摸其文而讀之邕題文士黃絹幼

婦外孫壻曰二百年後碑冢當隨江中當隨不

隨逢王巨

隨一作墜  
巨一作匹

蔡邕文士黃絹幼婦外孫壻曰二百年後碑冢當隨江中當隨不

秦桐柏廟碑

王延壽

延熹六年正月八日乙酉南陽太守中山盧奴

張君處正好禮尊神敬祀以准出平氏始於大

復潛行地中見於陽口立廟桐柏春秋宗奉灾

異告謫水旱請求位比諸侯聖漢所尊受珪上

帝太常定甲郡守奉祀務潔沈祭從郭君以來

二十餘年不復身到遣行承事簡略不敬明神

弗敬灾害以生五獄四瀆與天合德仲尼慎祭

常若神在君準則大聖親之桐柏奉見廟祠崎

嶇逼狹開拓神門立闕四達增廣壇場飭治華

蓋高大殿宇宮齊傳館石獸表道靈龜十四衢

廷弘敞宮廟嵩峻祇慎慶祀一年再至躬進牲  
牲執玉以沈爲民祈福靈祇報祐天地清和異  
祥昭格禽獸碩茂草木芬芳黎庶豫祉民用作  
頌其辭曰泫泫淮源聖禹所導湯湯其逝惟海  
是造䟽穢濟遠柔順其道弱而能強仁而能武  
聖賢立式明哲所取定爲四瀆與河合矩烈烈  
明府好古之則虔恭禮祀不愆其德惟前廢弛  
匪恭匪力灾眚以興陰陽以忒陟彼高岡臻茲  
廟側肅肅其敬靈祇降福雍雍其和民用悅服  
穰穰其慶年穀豐植望君輿駕扶老推乃息慕君  
塵軌奔走忘食懷君惠貺思君罔極于胥樂兮  
傳於萬億

春侍祠官屬五官掾章陵劉訢功曹史

安衆劉瑀主簿蔡陽樂茂戶曹史宛任

異秋五官掾新野梁懿功曹史酈周謙

主簿安衆鄧疑主記史宛趙旻戶曹史

宛謝綜

九疑山碑

集中有且  
而亡其篇

蔡邕

碑

巖巖九疑峻極于天觸石膚合輿播建雲時風  
嘉雨浸潤下民芒芒南土實賴厥勛逮于虞舜



聖德光明克諧頑傲以孝蒸蒸師錫帝世堯而  
授徵受終文祖璇璣是承太階以平人以有終  
遂葬九疑解醴而升登此崔嵬託靈神僊

古文苑卷第八

晉書禮志卷之八

明府好交來愷與生萬蔡朝學英言曹史表封  
國本正春封爵官曹五官封章德隆信也曹史  
曹公傳新

古文苑卷第九

漢書禮志卷之九

君諱安字子佑南陽湖陽人也厥祖曰仲山父  
翼佐周宣出納王命為之喉舌以致中興食菜  
于樊子孫氏焉奕世載德守業不愆在漢中葉

篤生哲媛作合南頓實產世祖征討逆畔復漢  
郊廟而樊氏以帝元舅顯受茅土封寵五國壽  
張侯以功德加位特進其次並以高聲處鄉校  
侍中尚書據州典郡不可勝載為天下著姓君

幼以好學治韓詩論語孝經兼典記傳古今異  
義甘貧樂約意不回貳天安淑慎稟性有直秉  
操不移不以覬貴世政促峻邑宰寡識慢賢役  
德被以勞事然後慷慨宦于王室歷中黃門冗  
從儀史拜小黃門小黃門右史遷藏府令中常  
侍其事上也貞固密慎矜於戰戰作主股肱助  
國視聽外職不誣內言不泄為近臣楷模是以  
兄弟並盛雙據二郡宗親賴榮年五十有六以  
永壽四年二月甲辰卒朝思其忠追拜騎都尉  
寵以印綬策書褒歎賻贈有加嗣子遷寔以幼  
弱夙叙王爵而喪所天禮備復位以延熹三年  
冬十有一月自上蒸祭乃尋惟烈考恭脩之懿  
勒之碑石俾不失墜其辭曰

肅肅我君帝躬是翼王事多難我君是力秉此  
小心以亮皇職惟帝念功庸以輿服大命傾寶  
魂神遷伏龜艾追贈用光其德藹藹遺稱作呈  
作式勒銘茲石垂示罔極勲名不斲永昭千億  
制詔中常侍樊安宿衛歷年恭恪淑慎嬰被疾  
病不幸蚤終今使湖陽邑長劉掾追號安為騎  
都尉贈印綬魂而有靈嘉其寵榮嗚呼哀哉延

熹元年八月二十四日丁酉下

漢金城太守殷君碑

酈炎一作衛覲

君諱華字叔時上郡定陽人大匠君之子也其先出自有殷因國定氏不改其號聖哲玄流至君而懿幼應瓊蘭之美長有冲邈之志躬詩閱禮韜韜竹賁誕循前業守以恪恭仕歷州郡忠愕有分其大操也耽耽虎視龍變不羈故能雄傑於并城聲班於上京察何孝廉貢除郎中左馮翊丞協宣文物公事知州舉茂才宛丘令崇行寬猛示之禮禁褻延庠校政以惠和三載陟

隕邪臨金城郡鄣羌虜避難遷移役兼民匱室如懸磬乃敷權略獎厲威信獫狁率服不敢窺踰兵戢而時動因省獵以習義興利弭患順其所樂開通狹道造作傳館吏士咸悅不勞而勸是以搢紳之徒譚講雅誦釋軍旅之犀革陳俎豆於泮宮其艾檐軫旌顯才良咨量三壽賞刑不僭邦場寧靜歲時豐登耆叟擊壤童叟謳譟功暮一作暮垣列當升寵祚旻不耆德景命失靈以光和元年九月乙酉卒官生有嘉休終則鼎銘於是故使邊竺江英韓遂等追送遐丘刊石

勒勛其辭曰

於惟明后懷德握醇昆台之耀秀出不群文昭  
有毅武列能仁含舒憲墨以育生民垂紀東壤  
西國著勛身沒名流載世常存古之遺老非此  
孰云于尔臣恩續續一作其夏芬

長心西嶽華山亭碑

衛覲

惟光和元年歲在戊子名曰咸池季冬己巳弘  
農太守河南樊府君諱毅字仲德下車之初恭  
肅神祀西岳至尊詔書奉記躬親自往省從勞  
謙即事有漸散齊華亭齊堂逼窄郡縣官屬清

一作

齊無處尊卑錯綜精誠不固畏天之威逢

斯瘴怒時雨不興甘澍不布念存黔首懼闕曠  
素於是與令巴郡胸忍先讜公謀圖議繕故斷  
度擗廊立室異處左右趣之莫不競慕二年正  
月己卯興就既成有元休嘉啓寤各得竭情作一  
誠福祿是顧刻茲碑號吏卒俠路其辭曰

巖巖西岳五鎮次宗緒德之尊太華優隆皇帝  
永思祀典孔明高神肯宴圭璧贄通赫赫在上  
以畜萬邦惟岳降神寔生群公卿士百辟續業  
攸蒙帝命不違歲事報功群后命卿散齊外亭

恭敬明祀以奉皇靈處所逼窄屑罕有聲神樂  
其靜翛翬无形尊卑有序潔心致誠因繕舊室  
整頓端平在其板屋孰不加精天人同道萬祚  
來一作是迎既受帝祉延于後生為龍為光顯又  
王庭為公為侯福祿來成刻石紀號永享利貞  
府丞渤海劉固叔長功曹史楊儒曼先主簿湖  
陽馮伯馮供曹掾楊基伯載史陝許禮文化縣  
丞隴西彭和伯怡左尉隴西甄璆叔曼監典者  
門下掾駱瑋伯先主記史栢覽文進左曹掾魏  
嘗威長史田磐文祖將作掾曹鑿孔明任就幼

成史吳武丙昌

西嶽華山堂闕碑銘

張昶

易曰天地定位山澤通氣然山莫尊於嶽澤莫  
盛於瀆山嶽有五而華處其一瀆有四而河在  
其數其靈也至矣聖人廢興必有其應故岱山  
石立中宗繼統太華授璧秦胡絕緒白魚入舟  
姬武建業寶珪出水子朝喪位布五方則處其  
西列三條則居其中若廣袤一作竒蟲山經有  
紀矣是以帝王巡狩親五岳而告至觀方后而  
考禮故經有望秩之禋典有生殖之祀盖所以

崇山川而報功也四海一統天子秉其禮諸侯  
力政疆國攝其祭奉其邑曰華陰也久矣乃紀  
於禹貢而分秦晉之境奉鄙晉之西則曰陰晉  
邊秦之東則曰寧秦邑既遷徙禮亦如之三國  
力爭以奉以祭其城險固基趾猶存故老之言  
未殞於民也逮至大漢受命克亂不愆不忘舊  
名是復率禮不越故祀是尊歷葉增脩虔恭又  
備一禱三祀終歲而四以迄于今而世宗又經  
集靈之宮於其下想喬松之疇是遊是憩郡國  
方士自遠而至者充巖塞崖鄉邑巫覡宗祀乎

宗祀一  
作崇祀

其中者盈谷溢谿咸有浮飄之志愉悅

之色必雲霄之路可升而越果繁昌之福可降  
而致也故殖財之寶黃玉自出令德之珍卿相  
是毓匪惟嵩高降生申甫此亦有焉天有所興  
必先廢之故殷宗周宣以衰致盛是時也王業  
中缺大化陵遲郡縣既毀財匱禮乏庭廟傾壞  
壇場蕪穢祭祀之禮頗有缺焉於是鎮遠將軍  
領北地太守閭鄉亭侯段君諱煨字忠明自武  
威占此土憑託河華二靈是與故能以昭烈之  
德享上將之尊銜命持重屯斯寄國討叛柔服

威懷是示群兇既除郡縣集寧家給人足戶有  
樂生之歡朝釋西顧之慮而懷關中之恃雖昔  
蕭相輔佐之功效冠群后弗以加也遂解甲休  
士陣而不戰以逸其力脩飾享廟壇場之位荒  
而復辟禮廢而復興又造祠堂表以參闕建神  
路之端首觀壯麗乎孔徹然后祈請既有常處  
雖雨露衣而禮不廢於是邑之士女咸曰宜之  
乃建碑刊石垂示後裔其辭曰

於穆堂闕堂闕昭明經之營之不日而成匪奢  
匪儉惟德是程匪豐匪約惟禮是榮虔恭禋祀  
黍稷芬馨神具醉止降福穰穰

後漢鴻臚陳君碑

君諱紀字元方太丘君之元子也始祖有虞受

禪陶唐亦以命禹其後媯滿當周武王時祚

作昨土于陳君其世也君生應乾坤之純質受萬

岳之粹精內包九德外兼百行淵深淪於不測  
膽智應於無方弘裕足以容衆矜嚴足以正世

然後研機道涉覽文學凡前言往行竹帛所

載靡不坐該其善也豐豐焉其誘人也是以令問

廣譽塞于天淵儀形嘉誨範乎人倫存乎本傳

故略舉其著於人事者焉顯考以茂行崇冠先  
儔季弟亦以英才知名當世孝靈之初並遭黨  
錮俱處于家號曰三君故得奉常供養以循子  
道親執饋食朝夕竭歡及太丘君疾病終亡喪  
過乎哀崩傷嘔血如此者數焉服禮既除戚容  
彌甚聞名心瞿言及隕涕雖大舜之終慕曾參  
之自盡無以踰也豫州刺史嘉懿至德命勅百  
城圖畫形像于今遺稱越在民口既處隱約潛  
躬味道足不踰閩乃覃思著書三十餘萬言言  
不務華事不虛設其所交釋合贊規聖哲而後

建旨明歸焉今所謂陳子者也初平之元禁罔  
蠲除四府並辟弓旌交至雖崇其禮命莫敢屈  
用大將軍何進表選明儒君爲舉首公車特徵  
起家拜五官中郎將到遷侍中旬有八日出相  
平原會孝靈晏駕賊臣秉政肆其兇虐剝亂宇  
內州郡幅裂戎輿並戒君冒犯鋒矢勤恤民隱  
馴之以禮教示之以知耻視事未晷士女向方  
會刺史敗於黃巾幽冀二州爭利其土君料敵  
知難不忍其民爲已致死乃辭而去之於是老  
弱隨慕板轅持轂輪不得轉遂晨夜閒行寓於



邳邾之野表術恣睢僭號江淮圖覆社稷結婚  
呂布斯事成重必不測救君諗布不從遂與成  
婚送女在塗君爲國深憂乃奮策出奇以奪其  
心卒使絕好追女而還離逆姦謀使不得成國  
用又安君之力也惟帝念功命作尚書令會車  
駕幸許拜大鴻臚實掌九儀四門穆穆遂登補  
袞闕以熙帝載不幸寢疾年七十有一建安四  
年六月卒惜乎懷道處否登庸日寡實使大業  
不究元勳靡建茲海內所爲嗟悼凡百所以失  
望也天子愍焉使者弔祭群卿以下臨喪會葬

有子曰羣追惟蓼莪罔極之思乃與邦彥碩老  
咨所以計功稱伐銘贊之義遂樹斯石用監于  
後其辭曰

於穆上德時惟我君固天縱之

一作大

天鍾厥純

命世作則實紹斯文遭險龍潛抗志浮雲所貴  
在已樂存事親雖處畎畝天子屢聞乃階郎將  
陪帝作鄰平原寇深遂辭其民思齊古公邠土  
是因不忘諗國惠我無垠復命喉舌秉國之均  
爰登卿士媚茲一人如何穹蒼不授遐年黻厥  
在位每懷不申股肱或虧朝誼與詢煒煒小子

號泣于旻勒銘表德久而彌新

誄

元后誄

揚雄

新室文母太后崩天下哀痛號哭涕泗思慕功

德咸上樞誄之銘曰

一無樞字

惟我有新室文母聖明皇太后姓出黃帝西陵

昌意實生高陽純德虞帝孝聞四方登陟帝位

禪受伊唐爰初胙土陳田至王營相厥宇度河

濟旁沙麓之靈太陰之精天生聖姿豫有祥禎

作合于漢配元生成孝順皇姑承家尚莊

一作聖敬

齊莊內則純被備

一作備

後烈丕光肇初配元天命是

將兆徵顯見新都黃龍漢成既終脩嗣匪生哀

帝承祚惟離典經尚是言異大命俄奠厥年天

隕大終不盈文母覽之千載不傾博選大智新

都宰衡明聖作佐與圖國艱以度厄運徵立中

山庶其可濟博采淑女備其姪娣覲

一作親

禮高

謀祈廟嗣繼靡格匪天靡動匪地穆穆明明昭

事上帝弘漢祖考夙夜匪懈興滅繼絕博立侯

王親睦庶族昭穆序明帝致支屬靡有遺荒咸

被祚慶冀以金火赤仍有央勉進大聖上下兼

該群祥衆瑞正我黃來火德將滅惟后于斯天  
之所壞人不敢支哀平天折百姓分離祖宗之  
愆終其不全天命有託謫在于前屬遭不造榮一作榮  
極而遷皇天眷命黃虞之孫歷世運移屬在聖  
新代于漢劉受祚于天漢祖受命赤傳于黃攝  
帝受禪立爲真皇允受一作執厥中以安黎衆漢  
廟黜廢移定安公皇皇靈祖惟若孔臧降茲珪  
璧命服有常爲新帝母鴻德不忘欽德伊何奉  
命是行菲薄服食神祇是崇尊不虛統惟祇惟  
庸一作惟隆循一作脩人敬先民是從承天祇家允恭

虞恪豐阜無卉旅力不射恤民于留不皇詭作  
別計于邑國之是度還奉于此以處貧薄罷苑  
置縣築里作宅以處貧窮哀此嫠獨起常盈倉  
五十萬斛爲諸生儲以勸好學志在黎元是勞  
是勤春巡灞滻秋臻黃山夏撫鄠杜冬卹涇樊  
大射饗飲飛羽之門綏宥耆幼不拘婦人刑女  
歸家以育貞信玄冥季冬搜狩上蘭寅賓出日  
東秩暘谷鳴鳩拂羽戴勝降桑螿于繭館躬筐  
執曲帥導群妾咸循蚕蔟分繭理絲女工是勅  
遐邇蒙祉中外禔福自京逮海靡不仰德成類

存生秉天地經無物不理無人不寧尊號文母  
與新有成世奉長壽靡墮有傾著德太常注諸  
旒旌嗚呼哀哉以昭鴻名享國六十殂落而崩  
四海傷懷擗踊拊心若喪考妣過密八音嗚呼  
哀哉萬方不勝德被海表彌流魂精去此昭昭  
就彼冥冥忽兮不見超兮西征既作下宮不復  
故庭爰緘伊銘嗚呼哀哉

北海王誄

傅毅

誄曰永平七年北海靜王薨於是境內市不交  
易塗無征旅農不修畝室無女工感傷慘怛若

喪厥親俯哭后土仰愬皇旻於惟群英列俊靜  
思勤銘惟王勛德是昭是明存隆其實光曜其  
聲終始之際於斯爲榮乃作誄曰  
覽視昔初若論往代有國有家篇籍依載貴鈔  
不驕滿罔不溢莫能履道聲色以卒惟王建國  
作此藩弼撫綏方域承翼京室對揚休嘉光昭  
其則溫恭朝夕敦循伊德

曹蒼舒誄

魏文帝

惟建安十有五年五月甲戌童子曹蒼舒卒嗚  
呼哀哉乃作誄曰

於惟升元空懿矣純良誕豐令質荷天之光既哲  
且仁爰柔克剛彼德之容茲義肇行猗歎元空  
終然允臧宜逢介祉以永無疆如何昊天雕斯  
俊英嗚呼哀哉惟人之生忽若朝露役役百年  
疊疊行暮矧爾夙天十三而卒何辜于天景命  
不遂元空兼悲增傷侘傺失氣永思長懷哀爾  
罔極貽尔良妃綖爾嘉服越以乙酉宅彼城隅  
增丘峩峩寢廟渠渠姻媾雲會充路盈衢悠悠  
群司岌岌其車傾都蕩邑爰迄爾居魂而有靈  
庶可以娛嗚呼哀哉歐陽文忠公集卷之九

古文苑卷第九

世傳孫巨源於佛寺經龕中得唐人所藏古  
文章一編莫知誰氏錄也皆史傳所不載文  
選所未取而間見於諸集及樂府好事者因  
以古文苑目之今次爲九卷可類觀然石鼓  
之詩退之則以爲孔子未見不知所刪者定  
何詩且何自知其爲宣王也左氏載椒舉之  
言蒐于岐陽則成王爾秦世諸刻子長不盡

著抑亦有去取耶漢初未有五言而歌與樂  
章先有七言蘇李之作果出於二子乎以此  
編數首推之意後代詩人命題以賦者若章  
孟尚四言至酈炎乃五言也夫文章遠矣唐  
虞之盛賡歌始聞魏晉以還制作逾靡學者  
思欲近古於是其有考焉惟訛舛謬缺者多  
不敢是正而補之蓋傳疑也淳熙六年六月  
潁川韓元吉記

